



Hardangerrådet iks



Hardanger

NYTTÅR 2015/2016.

Orientering om prosjekt og aktivitetar me arbeider med.

Regionrådet 2015-2019

Hardangerrådet iks er eit interkommunalt selskap for kommunane/herada Eidfjord, Granvin, Jondal, Odda, Kvam, Ullensvang og Ulvik. Hovudoppgåva er å styrkja regionen gjennom større grad av forpliktande samarbeid. Samarbeidet skal leggja til grunn deltaking frå likeverdige partar og skal vera eit supplement og ei støtte til kommunane si eiga verksemd.

Hardangerrådet sine formelle organ er Regionrådet, Hardingtinget, Rådmannsforum, Styret og dagleg leiar. Andre kommunale samarbeidsorgan er Hardanger Ungdomsråd, Hardanger Kulturråd, Team Hardanger, Kompetanseregionen Hardanger/Voss.

Regionrådet = Representantskapet er øverste organ = Ordførarane i Hardanger.

Regionrådet og Hardingtinget er i 2016 og 2017 leia av Rådsordførar Jon Larsgard med Rådsvaraordførar Hans Petter Thorbjørnsen. Styreleiar er Toralv Mikkelsen. Leiar i Rådmannsforum 2016 og 2017 er Siv Helle Prestegard.



Hardanger

Kommunestruktur i Hardanger

Regjeringa Solberg oppmoda kommunane å arbeida med nye kommunegrenser. Ordførarane i Hardanger har etablert seg som arbeidsgruppe for å initiere prosessen og tema for dette i regionen. I juni 2015 vart det overlevert til kommunane 2 prosjektrapportar med utgreiing av 3 kommuneprojekt i Hardanger:

1. Utgreiing av alternativet Eidfjord, Granvin, Ullensvang og Ulvik
2. Utgreiing av alternativet Ullensvang, Odda, Jondal og utgreiing av alternativet Odda, Jondal, Kvam

Alle 7 kommunane i Hardanger som ein kommune vert ikkje arbeidd vidare med.

Staten sin framdriftsplan er slik at frivillig samanslåing må vera avklara og vedteke i dei respektive kommunestyra innan 1. juli 2016. Stortinget legg til grunn at frivillig prinsippet i reformprosessane fram til 1. juli. Fylkesmannen skal sende si tilråding til Kommunal- og moderniseringsdepartementet innan 1. oktober 2016.

Aktivitet og prosjekt i 2015



Hardanger

Interkommunalt tenestesamarbeid i Hardanger.

Rådmannsforum i Hardangerrådet arbeider med framtidige utfordringar for dei kommunale tenestene i ei tid med aukande krav til kompetanse og tenestekvalitet. Med særleg fokus på interkommunale samarbeidsområde. I interkommunalt frivillig samarbeid kan ein få betre profesjonelle tenester til innbyggjarane og regional attraktivitet. Alle kommunane i Hardanger arbeider interkommunalt i ulik grad og på ulike område, frå interkommunale selskap til vertskommuneordningar. Fleire av ordningane er i samarbeid med Voss kommune.

Oppretta område er Barnevern, Brannvern, IKT, Økonomisystem, Innkjøp, Skjenkekontroll, Tilsynsordning skule-barnehage, Vassområde, Miljøfyrtårnordning og Frisklivssentral. I Samhandlingsreforma i Hardanger er det oppretta mellom anna Legevaktordningar og ØH-senger.



Samhandlingsreforma i Hardanger

I 2015 er det interkommunale samarbeidet ført vidare i «Prosjekt Folkehelse og Samhandlingsreforma i Hardanger og Voss 2014-2015». Styringsgruppe er Rådmannsforum, som har godkjent 8 ulike delprosjekt. Det er etablert arbeidsgrupper med deltakarar frå Voss og Hardangerkommunane. Vaksdal deltek i samarbeid omkring Prehospitale tenester, Nødnett og Rehabilitering. Andre område er vidareføring av Nettverk for folkehelse, Nettverk for kommunehelse og samfunnsmedisin, samarbeid om Miljøretta helsevern, Rus og psykisk helse og Sjukeheimsmedisin. Samhandlingsprosjektet har også i 2015 fått skjønstilskot frå Fylkesmannen i Hordaland. Arbeidsgruppene har oppsummert erfaringane ut juni 2015 og gjeve sine tilrådingar til styringsgruppa. Styringsgruppa handsama 25.09.2015 sluttrapportane frå arbeidsgruppene.



Hardanger

Team Hardanger

Næringsutvikling, tiltaksarbeid og etablerarteneste har opp gjennom tidene hatt varierende fokus og organisering i Hardanger. Siste 15 år har Hardangerrådet hatt ansvaret for dette som eit viktig arbeidsfelt. Det kommunale næringsarbeidet er ulikt organisert i Hardanger. Team Hardanger er eit nettverk av Hardanger sine kommunale og regionale nærings-ansvarlege og etablerarrettleiarar, koordinert av Hardangerrådet iks.



hardanger.com

Hardanger har fått ny nettstad www.hardanger.com. Me har samla Hardanger. Her er ei felles side, der det er lett å bevega seg vidare inn til alle kommunane, næringsliv, kunst og kultur. Hardangerrådet si heimeside er no på denne adressa. Flytt til Hardanger lever vidare her med sine gode løysingar, både bustad og jobb vert oppdatert regelmessig. Vidare er også Hardanger næringsråd med, samt god informasjon om kunst, kultur, aktivitetar og arrangement.

Aktivitet og prosjekt i 2015



Hardanger Ungdomsråd (HU) kalla i 2015 inn alle ungdomsråds-medlemmane i dei 7 Hardanger kommunane til Hardanger Ungdomsting. Eit i Odda og eit i Eidfjord. Viktige del på tinget er å verta kjende med kvarandre og Hardanger, bygga nettverk og læra om politisk arbeid og prosessane. At alle i råda møter dei andre trur me er viktig for fellesskap og gjer arbeidet lettare. Viktig dette året har sjølvstøtt kommunereformarbeidet vore, og på møtet i Eidfjord var Distriktssenteret med og hadde gruppearbeid med ungdommane. Rådet har elles hatt 4 vanlege rådsmøter. Viktig sak som er arbeid med er ny Tannhelsestruktur. Her sende HU uttale. Det vart også arrangert Aktivitetshelg i Ulvik i August. Her fungerte ny modell strålande, dvs Ulvik som vertskommune var arrangør, med støtte og hjelp frå HU og Hardangerrådet.



No er det opp til kommunane å bruka det verktøyet Flytt til Hardanger har utvikla og halda oppe ein regional folketalsvekst. www.hardanger.com
I starten av 2015 vart det arbeidd med sluttrapportering og økonomisk sluttoppgjør. Dokumenta finn du på nettstaden vår. I april 2015 var ulike utviklingsaktørar i Hardanger samla for å oppsummera og sjå framover.

Viktige fokusområder :

- Team Hardanger må fortsetja der Flytt til Hardanger slutta.
- Tenestetorga i kommunane er viktig bindeledd. Dei har opparbeidd nettverk, kunnskap og rausheit som må takast vare på.
- Regionalt bustaddokument er godt grunnlag for aktiv bustadpolitikk. Ikkje gløym Husbanken.
- Gjer Hardanger tettare og sterkare. Halda på entusiasmen rundt felles hardangersatsing.
- Samarbeidet må forplikta og set av ressursar.
- Involver næringsliv og kultur

Konklusjon: Lag langsiktige strategiar på tvers av etatar. Arbeidet må forankrast og forplikta. Ha tilflyttingsfokus og bruk ressurspersonar frå fylkeskommunen og fylkesmannen.



Hardanger Kulturråd

Dette er eit samarbeids – og rådgjevande organ oppretta av dei sju Hardangerkommunane. Rådet arbeider med kultursaker og tildeler regionale kulturmidlar. Det skal leggjast vekt på at kulturiltaka fremjar samhald, samhandling, næringsutvikling og styrkjer Hardangerkjensla. Rådet er eit rådgjevande organ i kultursaker i høve Hardangerrådet som også har sekretariatet. Hardanger kulturråd sine medlemmer er kulturansvarlege i dei sju Hardangerkommunane. Leiaroppgåva går på omgang. I 2014-2015 har kultursjef i Odda vore leiar i Hardanger kulturråd.



Etablerartenesta i Hardanger

Tone Søgaaud i Handalag Opplæring, Kvam har ansvaret for Etablerarskulen i Hardanger på vegne av Hardangerrådet. Målsetjinga er å nytta felles kompetanse til å gje god rettleiing til dei framtidige etablerarane i Hardanger. Etablerarskulen gjev årleg tilbod om modulbasert opplæring for gründerar og andre som treng slik opplæring. Kontakt eigen kommune eller www.handalag.no eller sjå www.kom-an.no . **Karrieredagen** i Bergen hadde besøk av mange studentar med interesse for jobb i Hardanger.

Aktivitet og prosjekt i 2015



Hordanger

Regionalt Etablerarfond Hardanger

Hordaland fylkeskommune har laga ei ny tilskotsordning i 2015 og tildelt Hardangerrådet kr 286.000 til Etablerarfond for Hardanger. Det regionale etablerarfondet skal nyttast som eit målretta tilskot på inntil 50.000 kroner til ny-etablerte verksemder. Tilskota skal vera i tråd med nasjonale retningslinjer og føringane som er lagt i den regionale næringsplanen, og målsetjinga er å få til ei offensiv satsing på nye gründerverksemder.



Hordanger

Regionalt Næringsfond Hardanger

Hordaland fylkeskommune har gjeve Hardanger ein årleg sum som tilskot til næringsutvikling i regionen. 2014 var det siste året. I 2015 har RNH delt ut restmidlar i fondet, og styret er opphøyr.



Hardangerkonferansen

Hardangerkonferansane starta med Streif i Hardanger som Hordaland fylkeskommune sin 100-årsmarkeringa for 1905. Frå og med 2006 har det vore årlege Hardangerkonferansar som har teke opp aktuelle framtidsetta tema for Regionen Hardanger. Konferansane samlar årleg 100-120 deltakarar og turnerer rundt i regionen. Konferansane er eit nyttig informasjonsforum og nettverksstad for politikarar, næringsliv og sjølvstyre andre interesserte. Hardangerkonferansen 2016 skal vera i Eidfjord 9.-10 november 2016.

Hardangerkonferansane er eit samarbeid mellom Hordaland fylkeskommune, Sparebanken Vest, BKK, Reisemål Hardanger Fjord, Hordaland Bondelag, Hardanger Næringsråd, Vertsherad/-kommune og Hardangerrådet iks.



Merkevare Hardanger

Prosjektet vart presentert våren 2005 på 1905-makeringa "Streif".

*Ein paraplyprofil med målsetjing å styrkja regionen sitt omdøme og slik verta Hardanger si eige sterke merkevare.

*Merkevareprofilen skal ikkje erstatta noverande merkenamn og logoar, men forsterka interessa for eit produkt ved tilknytning til namnet Hardanger.

*Merket er difor diskre utforma, men tydeleg. Tilsvarende merking er t.d. Godt Norsk.

Helge Møller er engasjert som Merkevareambassadør i Hardanger. Merkevare Hardanger har no over 130 lisenshavarar og er stadig under utbreiing. Hardangerrådet har som mål å gjera Hardangerlogoen synleg langt utover Hardanger. Ta kontakt på post@hardangerraadet.no

Aktivitet og prosjekt i 2015



Internasjonale Hardanger



Hardanger-Berlin Husvære.

Hardangerrådet er på vegne av Hardangerkommunane ansvarleg for artist-in -residence-ordninga Hardanger – Berlin. Ordninga vart oppretta i 2009. Hardangerkommunane finansierer ordninga førebels til og med 2017. Søknad om opphald vert lyst ut om hausten for opphald påfølgjande år. Som retningsgjevande regel vert det høve til eit opphald 1-3 månader pr. kunstnar. Det er fleksibilitet i ordninga når det gjeld lengde for opphaldet. Ordninga baserer seg på same modell som Bergen kommune nyttar og er lokalisert i same hus som AIR Bergen. www.hardanger-berlin.no

Japan Hardanger-Club

Med bakgrunn i eit reiselivssamarbeid har det utvikla seg ei kulturutveksling med fokus på Hardingfelespel og Hardangersaum mellom Hardanger og Japan. Hardangerrådet er deltakar i ein Japan Hardanger Club med føremål å få til vidare utvikling til felles nytte. Hardingfeleinstitutet i Tokyo er grunnlagt av Rio Yamase og har 30 elevar. RHF, Fylkeskommunen, Hardanger og Voss Museum (HVM) og Hardangerrådet iks er vertskap for Japanske hardingfelestudentar som kjem til Hardanger for å læra meir felespel og forstå kulturen vår. Hardangersaum er også svært populært og utbreidd i Japan. Reiselivsnæringa og HVM organiserer i eigne studieopphald for japanske broderarar. Fleire japansk gjester til Hardanger er venta og RHF jobbar for direkte flyruter Japan-Flesland. I 2015 har ein student fra Hardanger fiddle institute i Tokyo, Yuka Shiraishi, delteke på Masterclass Hardanger.



EU-prosjektet ProWell

Hardangerrådet har vore med i eit EU-prosjekt der me har prøvd å definera landleg velværeturisme for å skapa auka og bærekraftig aktivitet på landsbygda. Kan me utnytta fordelane våre av å vera landleg i ein hektisk tettpakka verden? Utfordringane er like store i heile Europa, utkantregionane tapar terreng. Sjå prosjektrapport på hardanger.com

Dette er eit avslutta 2 årig EU-prosjekt med partnarar frå 5 land frå ulik bakgrunn. Prosjektet har vore delfinansiert av EU for internasjonale produkt og meir bærekraftig turisme.



Lokalmatsatsing

Hardangermeny er eit nettverk av lokalmatprodusentar og serveringstader i Hardanger. Lokalmat har Hardangerrådet sett fokus på sidan 2003 og jamn jobbing gjev resultat. I 2011 gjennomførte Hardangerrådet ved Team Hardanger prosjektet «Hardanger i Greve in Chianti». Der var småskalaprodusentar med for å servera Hardangerprodukt i Italia. I 2012 er det teke initiativ til å utvikla SlowFood-regionen Hardanger med Cittaslow – filosofien. Forprosjektet Hardanger SlowFjord i 2013 sette fokus på kunnskap om og bruken av eit stort mangfald av smak frå fjord og land, eit mangfald som er unikt i verdssamanheng innan eit så avgrensa geografisk område. Ulvik herad er no «Cittaslow-kommune» med formål å fremja sine naturgjevne føremoner for det gode liv på bygda.

Aktivitet og prosjekt i 2015



HJELTNES VIDAREGÅANDE SKULE
HORDALAND FYLKESKOMMUNE

Mulighetsstudie 2014

Hjeltnes vidaregåande skule i Ulvik stod i fare for avvikling i grunnlaget for skulebruksplan for Hordaland. Fylkestinget bestemte i 2013 at det skulle gjerast ein mulighetsstudie for ei framtid for skulen med frist mars 2015. Dagleg leiar i Hardangerrådet iks er medlem i prosjektgruppa for mulighetsstudiet. Prosjektgruppa legg fram eit forslag til styringsgruppa i Hordaland Fylkeskommune med idear om kva ein kan satsa på for ei framtid for Hjeltnes. Det er to hovudtrekk i dette: Campus Hjeltnes med spennande skuletilbod og internat og Reisemål Holmen med attraktive tilbod for innbyggjarar og gjester.



Næringshagar i Hardanger

Hardangerrådet har gjennom fleire år støtta arbeidet for Regional Næringshage i Hardanger. Næringshagar har miljø for nettverksbygging, kompetanseheving og samarbeid mellom verksemder i same bransje og på tvers av bransjar. Målet er auka regional verdiskaping gjennom vidareutvikling og vekst i nye og eksisterande verksemder. I ein næringshage får små verksemder tilgang til relevant kompetanse og nettverk, i tillegg til eit faglig og sosialt fellesskap. Næringshagen skal også vera møteplass for virkemiddelapparat, samarbeids-partnarar og erfaringsutveksling med andre næringshagar i Noreg. Næringshagemiljøet skal bidra til å styrkja utviklingskompetansen i dei enkelte kommunane og på tvers av kommunegrensene.

Frå 2015 har me hatt 2 næringshagar i Hardanger. Næringshagen i Odda er veletablert og koordinerer viktige funksjonar som SMB Hardanger, Stiftinga Høgskuleutdanning i Hardanger, Ungt Entreprenørskap Hardanger, Etablerarettleing for Odda og Ullensvang, Trainee Indre Hordaland samt ei skiftande prosjektportefølgje. Arbeidet for å oppretta ein ny næringshage i Hardanger med lokalisering i Øystese har gitt resultat, Næringshagen i Hardanger er teken inn som eittårig pilotprosjekt innan SIVA sitt næringshageprogram.

www.nhodka.no www.nih.no

**UNGT
ENTRE
PRENØR
SKAP**

SKAP i Hardanger Hardanger si framtid er avhengig av nyskaping, både nye arbeidsplassar og utvikling av eksisterande verksemder. Kreativitet og entreprenørskapskultur hjå den oppveksande generasjon, samt eit ynskje om å busetja seg i regionen etter utdanning, er sentralt for å utvikla Hardanger i framtida.

Ungt Entreprenørskap arbeider saman med Hardangerkommunane for å styrkja lokal identitet og fremja evne og vilje til nytenking og verdiskaping, med skulen som arena. Sentralt i arbeidet er å knyta kontakt mellom skulane og det lokale nærings- og arbeidslivet.

Ungt Entreprenørskap i Hardanger er eit prosjekt drifta av Næringshagen i Odda, ved prosjektleiar Signe Sandvik. Prosjektet starta opp i 2010 og kan visa til gode resultat. Særleg Odda vgs har utmerka seg og vunne regionale og nasjonale prisar i entreprenørskap. Det vert no arbeidd med å utvikla prosjektet vidare, og målet er at alle skular i Hardanger skal ha entreprenørskap som ein del av utdanningstilbodet.

Høgskuleundervisning i
Hardanger

Stiftinga Høgskuleutdanning i Hardanger vart etablert i 1993 av Odda kommune og AS Tyssefaldene. I 2012 vart stiftingskapitalen utvida, med fleire partar. Studiesenteret i Hardanger har i dag 3 studiestader: Odda, Kvam og Eidfjord med moderne fjernundervisningsutstyr. Studiesenteret samarbeider med høgskular rundt i heile landet og er tilknytt det nasjonale Studiesenteret.no og nyttar tilboda derfrå. Hausten 2015 var det 87 elevar ved studiestadene i Hardanger. Dei kjem både frå Hardanger og utanfrå. Målet for utviklingsarbeidet til SHIH i 2016 er å dekkja kompetansebehov i privat og offentleg sektor, med særskilt fokus på reiselivsbransjen gjennom eit eige prosjekt, «Kompetansepakke i reiselivet», som er støtta av Regionalt Næringsfond Hardanger og Odda kommune.

www.nhodka.no og www.studiesenteret.no

Aktivitet og prosjekt i 2015



Trainee Indre Hordaland (TIH) vart stifta som ein non-profit medlemsorganisasjon 14.01.15 med eit styre bestående av representantarr frå fem av medlemsbedriftene. Gjennom regionale traineeprogramm samarbeider private bedrifter og offentlege instansar på tvers av administrative grenser for å stilla sterkare i kampen om å rekruttera høgt utdanna, attraktive kandidatar. TIH tar sikte på ordinær drift som sjølvgåande organisasjon frå og med 2019. Trainee Indre Hordaland ønskjer å leggja eit grunnlag for at ungdom vert værende i heimdistriktet eller vel å koma tilbake etter endt utdanning. TIH har i dag 9 medlemsbedrifter frå Hardanger pluss Kvinnherad og Sauda, og to ledige traineestillingar i 2015 fekk heile 34 søknader fra kvalifiserte, unge menneske frå inn- og utland. Ordninga er administrert av Næringshagen i Odda. www.traineeih.no



Hardanger
Breiband AS

Fiberring i Hardanger

Hardangerrådet har i mange år hatt ei aktiv rolla for å få bygd eit godt stamnett i Hardanger. I 2004 resulterte dette i at me i eit Offentleg Privat Samarbeid (OPS) med Hardanger Breiband AS fekk bygd eit radiolinje-basert stamnett. Med finansiering frå Hardangerrådet og Regionalt Næringsfond Hardanger, har Hardanger Breiband i 2013 gjennomført forprosjektet «Fiberstamnett i Hardanger». På bakgrunn av dette arbeidet, søkte Hardangerrådet om midlar frå Hordaland Fylkeskommune til fullføring av fiberstamnett i Hardanger. fylkeskommunen løyvde 2,9 millionar kroner til prosjektet. Saman med midlar frå Hardangerrådet, kommunane og Hardanger Breiband, så vil dette føra til at ein kan fullføra bygging av ein 10 Gbit redundant fiberring i Hardanger. Denne framtidretta infrastrukturen er planlagt ferdig i løpet av 2015, og vil ha ei kostnadsramma på ca. 6 millionar kroner.



Hardanger / Voss
kompetanseregion

Samarbeidsorgan innan barnehage- og skulefeltet. 1. august overtok Ullensvang herad leiarvervet etter Kvam herad. For å halda kostnadane nede fortset kommunane å abonnera på ulike digitale verkty. 11. februar heldt *James Nottingham* eit framifrå inspirerende kurs for styrarar og rektorarar innafør temaet «*Forbetningsarbeid i barnehage og skule. «Nøklar til naturfag»* er eit kurs for alle lærarar på 5. til 7. årstrinn. Samarbeidet med Statped Vest fortsett mot 2017. Kompetansen i barnehagesektoren vert styrkja ved arbeidsplassbasert barnehagelærarutdanning i Kvam, og ved at 20-24 tilsette barnehageassistentar tek teoriopplæringa til fagbrev i Barne- og ungdomsarbeidarfaget (BUA). *Voss vidaregåande skule - senter for vaksenopplæring* er ansvarleg for opplæringa som er gratis for deltakarane. Grunnskulelærar 1.-7. trinn på Voss vert avslutta våren 2016. Elles samarbeider kommunane om lokalt gitt eksamen med deling av eksamensoppgåver i «Skya», ekstern vurdering skule og barnehage. Ekstern vurdering får frå inneverande år redusert tal dagar. Til slutt vil ein nemne kurs for instruktørar som godkjenner tilsette med symjeopplæring og leik i vatn.



HARDANGER OG VOSS

MUSEUM

Hardingfela – kunnskaps- og formidlingscenter i Hardanger.

Hardanger og Voss Museum (HVM) har fått utfordring frå Hardangerrådet å jobba for eit eige internasjonalt Hardingfelesenter i Hardanger. Dette vil museet gjera i samarbeid med Ole Bull Akademiet på Voss. Samarbeidsavtale er underteikna og dei to organisasjonane jobbar no med å få tilførd ressursar til satsinga. Rannveig Djønne er no tilsett som prosjektleiar. Prosjektmedarbeidar på tema folkedans er og tilsett. Heller enn å etablere eit fysisk senter handlar det om å styrka hardingfeletradisjonane på ei rekkje områder, som t.d. opplæring, formidling, felebygging og ikkje digital formidling gjennom hardingfela.no. Pilotprosjektet Master Class Hardanger vart svært vellukka. I 2015 vart det etablert også ein internasjonal versjon, Master Class Hardanger – International, som er ope for søkjarar frå heile verda. www.hardangerogvossmuseum.no

Aktivitet og prosjekt i 2015



Nasjonal Turistveg Hardanger og Nasjonal Turistveg Hardangervidda.

Regionen Hardanger har vore med å utvikla Nasjonale Turistvegane sidan pilotperioden på 1990-talet og mange turistvegpunkt er etablerte i Hardanger. Hardangerrådet er aktiv koordinator i arbeidet. Hardanger har 2 av 18 Nasjonale Turistveg-strekningar slik:

- **Hardanger:** Rv 13 Låtefoss-Tyssedal – Kinsarvik – Fv 550 Utne -Jondal – Fv49 Tørrvikbygd - Norheimsund – Fv 7 Steinsdalsfossen/Norheimsund - Granvin.
- **Hardangervidda** Rv 7 Eidfjord- Haugastøl

Steinsdalsfossen, Vøringsfossen og Låtefossen er turistvegpunkt med investering på tilsaman 250 millionar kroner. Utfordringa er regional og det er lokal medfinansiering av ca 80 mill. kr frå Fylkeskommunen, Hardangerrådet iks og «fossekommunane/herada». Perioden 2012 – 2022 er planen for å fullføra arbeidet i Hardanger. Anlegget ved Steinsdalsfossen vart opna våren 2014. I 2015 vart arbeidet ved Vøringsfossen starta opp. Satsinga ved Låtefoss avventar val av ny Rv 13 gjennom Oddadalen. Også Rv 13 Skjervefossen og Fv 572 Granvin-Espelund-Ulvik har Hardangerrådet iks spela inn som ein del av Turistveg Hardanger, men dei er enno ikkje med.

www.nasjonalturistveger.no



Hardanger Miljøfyrtårnordning.

Miljøfyrtårnordninga i Noreg legg til rette for at verksemdar i landet skal få fokus på miljøvennleg drift og organisering. Hardangerrådet iks har ansvaret for å koordinera arbeidet i regionen og har utdanna 2 sertifiserarar og kontakt med ein konsulent. Dette har både økonomiske og praktiske føremoner. Reiselivsnæringa er allereie godt i gang. Alle kommunane/herad i Hardanger er medlem i stiftinga Miljøfyrtårn og har eigne kommune-kontaktar. Kontakt Hardangerrådet iks for spørsmål. Kommunane i Hardanger planlegg no å sertifisera kommune/herads/råd-husa sine. Ulvik herad vart sertifisert i 2015.

www.miljofyrtarn.no



Hardanger

Regional Næringsstrategi Hardanger

Etter initiativ frå Hardangerrådet så har Hordaland fylkeskommune teke med i sin regionale planstrategi eit planarbeid for Indre Hordaland, primært Hardanger og Voss. Som grunnlag for dette gjennomfører Hardanger Næringsråd, i samarbeid med Hardangerrådet iks, eit prosjekt som skal munna ut i eit dokument for Regional Næringsstrategi Hardanger. Her ser ein på dei ulike næringsområda i regionen og konkluderer med tiltak som trengs for vidare vekst i regionalt næringsliv. Strategien ser ikkje kommunegrensar og vil vera klar på nyåret 2015. Då reknar ein med at fylkeskommunen startar arbeidet med Utviklingsplan for indre Hordaland.

Kinsarvik 07.01.2016

www.hardanger.com

Trude L. Rinaldo
Konsulent

Jostein Eitrheim
Dagleg leiar

